

*a) alles durchgestrichen b) folgt durchgestrichen syne c) am linken Rand pecunie; LXXXVI Michaelis dedit; LXXXVII Balburgis dedit; Michaelis LXXXVII; LXXXVIII Balburgis dedit*

## 571.

1386 Mai 1

### **Die Stadt verleiht Geld.**

*fol. 90v* Frantz Goltsmid <sup>(a)</sup>Wisset daz wir von dem obgnanten gelde Franczen Goltsmid und alle sinen erbin gelien habin fumf schoc gr, davon dy wile sy daz gelt ynne haben alle jare czu czinse gebin sullen 30 gr, halb uff Michaelis, halb uff Balburgis. Den czins sollen sy unvorczoglichin dem rat uff iclich tageczit<sup>b)</sup> reischen.<sup>c)</sup> Vor daz gelt habin sy dem rat czu phande gesaczt alle ire erbe und guter, varnde und unvarnde, daz dy stat vor aller menlich dy obgnanten phenninge und czinsen daruff habin sol und wenne dy stat daz gelt wider habin wil, so sullen sy daz gelt mit sampt dem czinse richten uff sulche tageczit, als vor geschr(ieben) sted. Actum M° CCC° LXXXsexto die Balburgis.<sup>d)</sup>

*a) alles durchgestrichen b) folgt durchgestrichen dem c) folgt durchgestrichen unvorzoghlich d) am linken Rand M° CCC° LXXXVI Michaelis dedit; LXXXVII Balburgis*

## 572.

1386 Mai 1

### **Die Stadt verleiht Geld.**

*fol. 90v-91r* Nickel Slotterwagen <sup>(a)</sup>Wisset daz wir Nickel Slotterwagen und Claren, syner muter, gelien haben von dem obgnanten gelde achte schoc gr und allen iren erbin, davon sy alle jare dem rate czu czinse gebin sullen<sup>b)</sup> 48 gr, halb uff Michaelis, halb uff Balburgis unvorczoghlich czu gebin. Vor daz gelt habin sy gesaczt czu phande alle ire erbe und guter, varnde und unvarnde, daz der rat<sup>c)</sup> daz gelt und czinse vor allermenlich doruff habin sullen. Wenne man daz gelt wider habin wil, daz sy daz uf dy \ obgnante tageczit mit sampt dem czinse unvorczoghlich richten. Actum M° CCC° LXXXsexto die Balburgis.<sup>d)</sup>

*a) alles durchgestrichen b) folgt durchgestrichen 38 c) folgt durchgestrichen vor d) am linken Rand M° CCC° LXXXVII Balburgis*